

*Zenoni amico carissimo
pro libro ingenioso sibi dedicato
gratias agens maximas
Iulius Domanscius haec scribit*

Inter tot tantosque, modo quos excitat aevi,
 Quod medium dicunt, nobilitans sophia,
Vix quemquam invenies, qui te praecelleat umquam
 Illius sophiae divite notitia.
Unicus ast certe es, cui quamquam tempora sophorum
 Stant adoperta diu, non tamen orba manent,
Cum sale quae sophiam coniungunt arte sagaci
 Temporis illius historicorum opera.
Hoc certe attestat Cronicon Vincentii opacum,
 In quod forte tuum ingenium penetrat.
Quanta illic peragis, quam argutaque praemeditata,
 Verbaque resque simul lumine clarificans!
Fronte sua liber ipse refert, intus quid agatur,
 Fontes praesagiens qui fuerint chronicae.
Sed licet ex scriptis illi scateant sapientum
 Historicique rigent egregiam sophiam,
Haec sola ostendisse tibi non sat: leviora
 Haud pauca enodas, singula verba novans.
Hoc certum est: nullus iam dicet adusque latere,
 Holophagus quid sit falsave *societas*.